

Cynulliad Cenedlaethol Cymru
Y Pwyllgor Plant, Pobl Ifanc ac Addysg

National Assembly for Wales
Children, Young People and Education Committee

Gareth Pierce

Prif Weithredwr. CBAC

22 Chwefror 2018

Annwyl Mr Pierce,

Argaeledd gwerslyfrau

Yng nghyfarfod y Pwyllgor ar 15 Chwefror, trafododd Aelodau adroddiadau yn y wasg ynghylch yr honiad bod diffyg gwerslyfrau ar gael i ddisgyblion mewn ysgolion yng Nghymru. Yn benodol, roedd y Pwyllgor yn bryderus o ddysgu am yr oedi honedig i fyfyrwyr sy'n astudio astudiaethau crefyddol gyda CBAC.


Yn ystod sesiwn graffu ar 6 Rhagfyr 2017, gofynnodd y Pwyllgor gwestiynau i Cymwysterau Cymru ynghylch y pwnc hwn. Yn ystod y sesiwn, dywedodd Cymwysterau Cymru eu bod yn gyfforddus bod y gwerslyfrau ar gael ar gyfer y farchnad a reoleiddir ond yn cydnabod bod pryderon ynghylch llyfrau sy'n cael eu rhyddhau drwy'r farchnad fasnachol y mae CBAC yn darparu gwasanaethau ar ei chyfer (Cofnod y Trafodion, paragraff 17, 6 Rhagfyr 2017).

Er mwyn helpu i ystyried p'un a oes angen gwaith craffu pellach yn y maes hwn, byddai'r Pwyllgor yn ddiolchgar pe gallech ddarparu eich asesiad o'r canlynol:

- p'un a oes prinder gwerslyfrau cyfrwng Cymraeg, neu gyfrwng Saesneg, i ddisgyblion yng Nghymru sy'n dilyn TGAU a Safon Uwch;
- p'un a ydych yn credu y bydd yr anawsterau a nodir yn cael effaith ar ganlyniadau disgyblion;
- p'un a / sut ydych chi'n ceisio lliniaru unrhyw effaith negyddol.

Rwyf wedi anfon copi o'r llythyr hwn at Cymwysterau Cymru er gwybodaeth iddynt.

Yn gywir,



Lynne Neagle AC

Cadeirydd

Cc Philip Blaker, Prif Weithredwr, Cymwysterau Cymru



Cynulliad Cenedlaethol Cymru
Bae Caerdydd, Caerdydd, CF99 1NA
SeneddPPIA@cynulliad.cymru
www.cynulliad.cymru/SeneddPPIA
0300 200 6565

National Assembly for Wales
Cardiff Bay, Cardiff, CF99 1NA
SeneddCYPE@assembly.wales
www.assembly.wales/SeneddCYPE
0300 200 6565